



四川大學古籍整理研究所編

儒藏

史部
第一三九冊

四川大學出版社



四川大學古籍整理研究所 編

儒藏·史部

儒林史傳

第三十九冊

四川大學出版社 二〇〇八年

國家「211工程」重點學科建設項目

國家「985工程」創新基地規劃項目

中國孔子基金會重大項目



儒藏

目錄

目錄

聖宗集要續 清・費緯禔 撰

.....

一

景行錄 清・邊鳴珂 輯補

.....

六九一

聖宗集要卷五

真德秀

真德秀字希元、號西山、浦城人。四歲讀書、過目成誦。以朱文公爲宗、慨然以斯文自任、講習而服行之。慶曆^①五年、登進士第。爲江東轉運副使、旱蝗、大講荒政、以便宜發廩賑給。竣事而還、百姓數千人送至郊外、指道旁叢塚泣曰、此皆往歲饑死者。微公、我輩亦相隨至此矣。尋擢禮部侍郎。入見、奏三綱五常、扶持宇宙之棟幹、莫安民生之柱石。人主

當以二帝三王爲師。侍經筵、進曰、此高孝二祖儲神燕閒之地、仰瞻棨栳、當如二祖在上。惟學可以明此心、惟敬可以存此心、惟親近君子可以維持此心。三者交致其力、則聖心湛然如日之明、如水之清、義理爲之主、而物欲不能奪矣。起知泉州、迎耆塞路。深山窮谷、百歲之老、亦扶杖出城、歡聲雷動。召爲戶部尚書。以大學衍義進、復陳祈天永命之說、謂敬者德之聚、儀狄之酒、南威之色、盤游弋射之娛、禽獸狗馬之玩、有一于此、皆足害敬。又曰、

三代聖王以敬爲修身立政之本。故伊尹告太甲曰。嗣王祇厥身。念哉。又曰。欽厥止。率乃祖攸行。周公之戒成王曰。嚴恭寅畏。天命自度。曰。治民祇懼。不敢荒寧。曰。克自抑畏。曰。皇自敬德。而召公之誥曰。嗚呼。奈何不敬。曰。王其疾敬德。曰。王敬作所。曰。惟不敬厥德。乃早墜厥命。伊周召公所以啟迪其君者。如出一口。守泉曰。著心經。自堯舜授受。繼以詩易禮記四書。并周程張朱之言。凡爲心之說。靡不備。復作夜氣箴曰。子盍觀夫夜之爲氣乎。木歸

其根、蟄固其封。寔然寂然、不見兆朕、而造化發育之妙、實胚胎乎其中。蓋闔者闢之基、貞者元之本、而艮所以爲物之始終。夫一晝一夜者、三百六旬之積、而冬爲四時之夜、夜乃一日之冬。天壤之間、羣動旣聞、窈乎如未判之鴻濛。惟人之身、嚮晦晏息、亦當以造物而爲宗。必齋其心、必肅其躬。不敢弛然自放於牀第之上、使慢易匪僻得以賊吾之衷。雖終日乾乾、靡容一息之間、而沉冥易忽之際、尤當致戒謹之功。蓋安其身、所以爲朝聽夕講之



地、而夜氣深厚、將仁義之心亦浩乎其不窮。爰作箴以自砭、庶凜凜夫痼痼。又作衛生謠以訓世。又論致壽之道有五、無逸、親賢、以孝奉先、仁、有德則壽。以廉仁勤公四字勵僚屬、以濂溪、康侯、晦庵、南軒學術勉士子。後拜叅知政事。進士羅必元致書曰、老醫常云、傷寒敗症、惟獨參湯可捄、先生其今之獨參湯乎。疾亟、冠帶起坐而卒、年九十、謚文忠、從祀廟庭。

愚按、朱子云、聖人之道學不傳、而學術幾爲天

下裂。士之醇慤者拘於記誦、其敏秀者炫於詞章、既皆不足以發明天理而見諸人事、於是言理者歸於仙佛、而論事者驚於管商。則事理之正、皆有以病焉、而去大學之道益遠矣。大學衍義一書、本聖賢之道、以明帝王之治、慮周天下、憂及萬世、誠致治之軌範也。讀書記、文章正宗、皆足羽翼聖教。至其在朝、屢進危言、力扶大義、更見明體適用之學。自古純臣致主、必本天本祖、如南軒對君、不可以蒼蒼者爲天、何等嚴



切。西山侍經筵進曰、此高孝二祖儲神燕閒之地、仰瞻榱桷、當如二祖在上。此卽視無形、聽無聲之意也、有不怵然動念者乎。而且言學卽說命也、言敬卽丹書也、言親近君子卽關門知人、都俞吁咈之盛也、而總以紹二帝三王精一之心、何其望君之深、而愛君之切耶。如此方是格君心之大人。天災流行、堯湯不免。春秋二百四十二年、書大有者僅二、而水旱螽蝗屢書不絕。然則年穀之豐、蓋亦鮮矣。爲民父母者、宜有

救荒勝着。但周禮揀荒止有一箇豫備以三十年之通定國計民無菜色又遺人之委積以待凶荒厥後紫陽特舉社倉皆以萬物一體之心先事而豫防也。至若旱蝗不得已而行救便無善全之法。然而不可不救。汲黯矯詔發倉千古以爲僅事。西山踵而行之大講荒政俾輾轉溝壑之民起白骨而肉之乃爲真經濟真道術耳。溫寶忠曰念念敬天則天庥必滋至念念法祖則祖澤必靈長。念念愛民則民情愈推戴。西山



所言所行、真廟謨矣。人之精神、全在夜間培養、故嚮晦宴息、始足爲起來一日之用、是有夜氣、方有平旦之氣。孟子必有事工夫、全在此處下手。世人不知、終日役役、而於夜間更不自愛、非長飲達旦、卽聲色自娛、神昏志耗、幾無復有清明之氣、真所謂冰盤盛湯、羽苞蓄火者也。如先生箴、不必如長生家打坐、經行、敵魔、戰睡、而戒謹恐懼、妄念不生、夢與覺同、貞元自合。不特養德、并養壽矣。焦旂園謂、孟子夜氣之說、善言

未發之中不可謂起居食息非學道中喫緊事也。其詩曰飽食安居樂矣哉。這場春夢幾時回。若還要醒如今醒莫待藤枯樹倒來。又曰人身難得今已得人道難聞今已聞此身不向今生度更向何生度此身。又曰人說崑山多美玉世傳滄海有明珠。世傳人說悉無據惟我家傳乃不虛。家傳蓋指大學衍義心經等書而言也。自勉以勉人可謂切矣。世人有家傳而不能讀且有謂父歿而不忍讀父之書者。愚以爲讀父之



書而其父始不歿也。較諸積寶玉以遺子孫者、不大相徑庭也哉。衛生謁畧云、天地之間人爲貴、頭像天、今足像地。父母遺體宜寶之、箕疇五福壽爲最。又云、世人欲識衛生道、喜樂有常、嗔怒少。意誠心正、思慮除、順理修身、去煩惱。只此數語、足該大學中庸之旨。致壽之道、莫過於此。而又論有五。老子曰、逸則壽。先生言無逸者、以無逸乃逸也。次曰親賢、曰與賢人處、則匪僻不生、皆生道矣。次曰以孝奉先、奉先以孝、則孝

於親可知、根本盛則枝自茂。次曰仁、仁以及物。
次曰德、德有諸已、溫厚和平、自然受天遐福。此
皆致壽之道也、故疊疊言之、先生之心亦仁矣
哉。

黃 幹

黃幹字直卿、號勉齋、閩縣人。初見朱子、夜不設榻、衣不解帶、少倦則危坐一椅、或至達曙。朱子語人曰、直卿志堅思苦、與之處甚有益。因妻以女。及朱子病革、以深衣及所著書授幹、與之訣曰、吾道之託在此、吾無憾矣。嘗曰、學問須就險難窮困處試得過、直能不動、方是學者。人生最難克是利欲、利欲之大是富貴貧賤。夫子只許顏子、子路兩人。若此處打不過、便說得天花亂墜、總是閒話。古聖